

Dr Džafer Alibegović, vanredni profesor
Ekonomski fakultet Univerziteta u Sarajevu
Oblast: Finansije

Dr Jasmina Selimović, redovni profesor
Ekonomski fakultet Univerziteta u Sarajevu
Oblast: Finansije

Dr Kemal Kozarić, redovni profesor
Ekonomski fakultet Univerziteta u Sarajevu
Oblast: Finansije

UNIVERZITET U SARAJEVU
EKONOMSKI FAKULTET

Broj akta: 02-6025/22

Datum: 17.11.2022

VIJEĆU EKONOMSKOG FAKULTETA UNIVERZITETA U SARAJEVU

Na osnovu člana 106. Zakona o visokom obrazovanju („Službene novine Kantona Sarajevo“, broj: 33/17), članova 190. i 205. Statuta Univerziteta u Sarajevu, Odluke Senata Univerziteta u Sarajevu broj 01-13-72/22 od 28.9.2022.godine, Odluke Vijeća Ekonomskog fakulteta od 6.9.2022.godine i Rješenja Dekana broj 02-5853/22 od 8.11.2022.godine imenovani smo za članove Komisije za pripremu izvještaja o izboru jednog nastavnika u zvanju docent, puno radno vrijeme, na oblast „Finansije“. Na predmetni konkurs, koji je objavljen 8.10.2022.godine u dnevnom listu „Dnevni Avaz“ i na web-stranici Ekonomskog fakulteta Univerziteta u Sarajevu prijavilo se dvoje kandidata:

1. Dr Tea Mioković Polić
2. Dr Emina Žunić Dželilhodžić

Prema Potvrdi Službe za pravne i personalne poslove broj 07-6-5937/22 od 24.10.2022. godine prijave sa priložima kandidatkinje dr Tee Mioković Polić i kandidatkinje dr Emine Žunić Dželilhodžić su blagovremene, uredne i usklađene sa uslovima utvrđenim konkursom od 8.10.2022.godine.

Na osnovu pregleda prijava i priložene dokumentacije, ocjene naučno-istraživačkih radova, pedagoške i profesionalne aktivnosti prijavljenih kandidata, Komisija podnosi Vijeću Ekonomskog fakulteta Univerziteta u Sarajevu sljedeći

IZVJEŠTAJ

Na raspisani Konkurs za izbor nastavnika na oblast Finansije javila su se dva kandidata:

1. Dr Tea Mioković Polić i
2. Dr Emina Žunić Dželilhodžić

Kandidati su dostavili urednu dokumentaciju i priložili neophodne dokumente. Nakon pregleda dokumentacije i obavljenih neophodnih procedura u tekstu Izvještaja iznosimo najznačajnije informacije koje su poslužile kao osnova za prijedlog koji Komisija upućuje Vijeću Fakulteta.

1. Dr Tea Mioković Polić

1. 1. Biografski podaci

Kandidatkinja dr Tea Mioković Polić rođena je 30.5.1989.godine u Sarajevu. Osnovno obrazovanje završila je u Sarajevu 2003.godine, nakon čega upisuje Prvu gimnaziju u Sarajevu koju završava 2007.godine. Ekonomski fakultet u Sarajevu upisuje 2007. i završava I ciklus studija 2010.godine, prosječnom ocjenom 9,71, te stiče zvanje bachelora menadžmenta, iz oblasti Finansijski menadžment. Tokom dodiplomskog studija, kandidatkinja je sve tri godine ostvarila priznanje studenta sa "Dekanove liste najboljih studenata", dok je po okončanju studija dobila priznanje Univerziteta u Sarajevu "Zlatna značka", kao najbolji student I ciklusa Ekonomskog fakulteta u Sarajevu, te priznanje "Najbolji student Federacije Bosne i Hercegovine", koje dodjeljuje Ministarstvo obrazovanja i nauke Federacije BiH. Kandidatkinja je 2006.godine dobila Međunarodnu stipendiju "Bosnian Scholarship for Peace", dodjeljenu od strane Harvard Univerziteta.

Drugi ciklus studija, kandidatkinja je upisala 2010.godine na Ekonomskom fakultetu u Sarajevu, na smjeru Bankarstvo i osiguranje. Studij je okončala 2012.godine, stekavši zvanje Master of Arts menadžmenta, prosječnom ocjenom 9,81. I na II ciklusu studija, kandidatkinja je stekla priznanje Univerziteta u Sarajevu "Zlatna značka", kao najbolji student Ekonomskog fakulteta, kao i priznanje "Najbolji student Federacije Bosne i Hercegovine", Ministarstva obrazovanja i nauke Federacije BiH. Pored toga, kandidatkinja je dobitnica podrške edukacijama na osnovu pisanog naučnog rada, koju dodjeljuje Sparkasse Bank dd BiH.

Kandidatkinja je 2022.godine okončala doktorski studij na Ekonomskom fakultetu Univerziteta u Sarajevu, položivši sve ispite predviđene programom, te odbranom doktorske teze pod naslovom „Uticaj integrisanog upravljanja rizikom na poslovne performanse finansijskih institucija na tržištu Bosne i Hercegovine“. Na ovaj način, Tea Mioković Polić stiče naučni stepen doktora ekonomskih nauka.

Dr Tea Mioković Polić je na osnovu svojih izvanrednih dostignuća tokom dodiplomskog i postdiplomskog studija bila angažovan kao demonstrator na predmetima Poslovna statistika i Statistika u ekonomiji i menadžmentu u periodu od 2008. do 2010.godine, a potom kao administrator Centra za međunarodnu saradnju, u periodu 2009-2011.godine. Od 2012. do 2015.godine, na Ekonomskom fakultetu obavlja poslove internog revizora, da bi 2015.godine bila izabrana za asistenta na Katedri za finansije. U decembru 2018.godine kandidatkinja je izabrana u zvanje višeg asistena na Katedri za finansije Ekonomskog fakulteta u Sarajevu, sa punim radnim vremenom, na kojem radnom mjestu je i danas.

Kandidatkinja je tokom i nakon studija angažovana na brojnim konsultantskim angažmanima i međunarodnim projektima, i to:

- The World Bank – Remittances and Payments Program (RPP);
- CREATURES - Promoting Creative Tourism through new Experiential Sustainable routes;
- Projekat Gastro doživljaj: značaj uslužnog ambijenta u procjeni kvaliteta i autentičnosti balkanske gastronomije;
- Ekspertni član Komisije domaćih i međunarodnih stručnjaka koji daju ocjenu i obavljaju reviziju kvaliteta i daju preporuke o akreditaciji visokoškolskih ustanova, odnosno studijskih programa Agencije za razvoj visokog obrazovanja i osiguranje kvalitete Bosne i Hercegovine;

- NETWORK - Networking in Preserving the First World War Multicultural Heritage in the Danube Countries;
- PACINNO - Platform for trans-Academic Cooperation in Innovation;
- ECTSD - Eco and Cultural Tourism in South Dinarides;
- EFMD/EPAS- akreditacija i reakreditacija Ekonomskog fakulteta Univerziteta u Sarajevu pri The European Foundation for Management Development (EFMD);
- AACSB –akreditacija i reakreditacija Ekonomskog fakulteta Univerziteta u Sarajevu pri The Association to Advance Collegiate Schools of Business (AACSB);
- International Summer School South Eastern Europe organizirana od strane Wirtschaftsuniversitat Vienna (WU) i Ekonomskog fakulteta Univerziteta u Sarajevu.

Kao specifično profesionalno iskustvo dr Tea Mioković Polić navodi:

- Predavač na edukaciji Benefits and challenges in AACSB accreditation process, organizovanoj od strane Ekonomskog fakulteta Sveučilišta u Rijeci i podržano od strane AACSB International, Rijeka, Hrvatska;
- Prikupljanje podataka za pripremu izvještaja (AcademiaSurvey) za The World Bank Centre for Financial Reporting Reform (CFRR) u sklopu projekta “Accountancy Education Benchmarking Study” za Ekonomski fakultet Univerziteta u Sarajevu, 2015-2016;
- Capacity Builder, Capacity Building for Lifelong Learning Programmes, u organizaciji Capacity Building 4 LLP i podržano od strane Executive Agency for Education and Culture of the European Commission under the Lifelong Learning Programme, Atina, Grčka;
- Kurs Applied Economic Research u organizaciji Centra za razvoj nastavnog osoblja Ekonomskog fakulteta Univerziteta u Sarajevu, Sarajevo, BiH;
- Training for Internal Auditors in accordance with the Quality Management System – ISO 14001:2004 norm u organizaciji Bureau Veritas, Opatija, Hrvatska.

Pored toga, u prijavi na konkurs i biografiji, kandidatkinja ističe i sljedeće relevantne edukacijske aktivnosti:

- Učešće na Accounting and Auditing Education Community of Practice Workshop, organizovano od strane World Bank Centre for Financial Reporting Reform (CFRR), Skoplje, Sjeverna Makedonija;
- Učešće na IV International Conference on Entrepreneurship and Innovation, organizovano od strane Ekonomskog fakulteta Univerziteta Crna Gora, Podgorica, Crna Gora;
- Učešće na European Youth Summit: 100 for the Next 100 in the Danube Region, organizovano od strane Forum Alpbach Network, Sarajevo, BiH;
- Učešće na HEIC 2014: Quality & Governance in Higher Education Conference: Strategy and Competitiveness, organizovano od strane Zagreb School of Economics and Management, Dubrovnik, Hrvatska;
- Učešće na seminaru IPA Adriatic Cross-Border Strategic Call 2007-2013, organizovan od strane Direkcije za evropske integracije BiH, Joint Technical Secretariat i Ministarstva finansija i trezora BiH, Sarajevo, BiH;
- Učešće na seminaru Internal auditing based on risk organizovan od strane Internal Auditors Association of Bosnia and Herzegovina (IIA), Sarajevo, BiH;
- Učešće na radionici Directorate for European Integration of Bosnia and Herzegovina and Ministry of Foreign Affairs and European Integration of Montenegro podržanoj od strane Joint Technical Secretariat of Cross - Border programme B&H-MNE, Trebinje, BiH;

- Učešće na seminaru Financial Asset Management in Public Sector organizovanom od strane Internal Auditors Association of Bosnia and Herzegovina (IIA), Sarajevo, BiH;
- Učešće na VII International Conference for Central and South Eastern Europe organizovano od strane Internal Auditors Association of Bosnia and Herzegovina (IIA), Dubrovnik, Hrvatska.

Kao polja profesionalnog interesovanja dr Tea Mioković Polić izdvaja: finansije, osiguranje, aktuarstvo, bankarstvo, upravljanje rizikom, upravljanje kvalitetom.

U prijavi, kao ostala znanja i vještine kandidatkinja navodi aktivno znanje engleskog i njemačkog jezika, poznavanje rada na računaru u MS Office paketu, SPSS, SmartPLS, kao i Pisanje naučnih radova, priprema projektnih prijedloga, priprema finansijskih i narativnih izvještaja, elaboracija/ deskripcija analitičkih rezultata na maternjem i engleskom jeziku.

1. 2. Naučno-istraživački i stručni radovi

Doktorska disertacija

Doktorska disertacija „Uticaj integrisanog upravljanja rizikom na poslovne performanse finansijskih institucija na tržištu Bosne i Hercegovine“ dr Tee Mioković Polić predstavlja originalno djelo i doprinos znanju i naučnoj spoznaji u oblasti, djelatnosti i industriji bankarstva i osiguranja, kao i u finansijskoj industriji općenito. Na osnovu proučene i spoznajne literature, predmetna disertacija predstavlja prvijenac u akademskom istraživanju naslovljene teme, ne samo u Bosni i Hercegovini nego i u širem geografskom regionu. Na bazi sprovedene empirijske analize (SEM-PLS), potvrđena je pozitivna i signifikantna veza između prisustva *Enterprise Risk Management*-a (ERM) programa i finansijskih, odnosno, nefinansijskih performansi analiziranih kompanija. Poseban doprinos disertacije ogleda se u analizi moderirajućeg uticaja dvije vrste nematerijalnih, na znanju zasnovanih resursa – intelektualni kapital i prakse upravljanja znanjem - na ovu relaciju. Kada je riječ o analizi moderirajućih uticaja, potvrđeni su efekti moderatora „intelektualni kapital“ i „prakse upravljanja znanjem“ na relaciju između ERM-a i finansijskih performansi. Moderirajući uticaji nisu potvrđeni za vezu ERM-a i nefinansijskih performansi kompanija.

Istraživanje sprovedeno u okviru pripreme disertacije od velikog je značaja i za naučnu teoriju i operativnu praksu. Naučno – teorijski doprinosi su očiti: unaprijeđeno je opšte razumijevanje relativno nove paradigme ERM, koja još uvijek nije dosegla punu naučnu konceptualizaciju. Osim toga, konceptualni model testiran je u okruženju pružalaca finansijskih usluga tranzicijske ekonomije, što je značajno drugačiji ambijent u poređenju sa većinom dosadašnjih studija koje su usmjerene na razvijene zemlje. Istraživanja provedena u ovoj doktorskoj disertaciji pokazuju svoju operativnu korisnost zbog toga što se rizici materijaliziraju u praksi pokazujući sva svoja negativna dejstva. U svakom društvu, u svakoj ekonomiji, na svim nivoima, finansijske institucije su institucije *sui generis*, od vitalnog značaja za egzistiranje konkretnog društva i konkretne ekonomije. Imajući u vidu da Bosna i Hercegovina ima status zemlje potencijalnog kandidata za pristupanja Evropskoj Uniji, pravni i regulatorni okvir u finansijskoj industriji trebao bi biti postavljen na način da dozvoljava harmonizaciju domaćeg finansijskog sektora sa regulatornim okvirom EU. Praktično, to bi značilo usklađivanje sektora sa zahtjevima aktuelnih Bazel i Solvency modela, od kojih oba, preporučuju holistički pristup upravljanju rizikom kroz uvođenje ERM sistema. U tom kontekstu, doprinos predmetne disertacije je evidentan.

Naučni članci u akademskim publikacijama

1. Pijalović, V., Selimović, J. & **Mioković, T.** (2018). Relationship between cardiovascular risk factors and socio-economic factors: the example of South-Eastern European countries, September 2018, HEALTH MANAGEMENT WITH SPECIAL ATTENTION TO CARDIOVASCULAR DISEASES, SPECIAL EDITIONS VOLUME CLXXVII, Department of Medical Sciences, Volume 52, Academy of Sciences and Arts of Bosnia and Herzegovina, DOI: 10.5644/PI2018.177.00;
2. Selimović, J., Pijalović, V. & **Mioković, T.** (2018). European Union health systems and responses to the economic crisis, September 2018, HEALTH MANAGEMENT WITH SPECIAL ATTENTION TO CARDIOVASCULAR DISEASES, SPECIAL EDITIONS VOLUME CLXXVII, Department of Medical Sciences, Volume 52, Academy of Sciences and Arts of Bosnia and Herzegovina, DOI:10.5644/PI2018.177.00.

Naučni radovi u zbornicima (konferencije, simpozijumi)

1. Selimović, J., Grabovica, E. & **Mioković Polić, T.** (2020). Traditional and Enterprise Risk Management: The Case of Bosnia and Herzegovina, Proceedings of FEB Zagreb 11th International Odyssey Conference on Economics and Business, Faculty of Economics and Business University of Zagreb, ISSN 2671-132X, DOI: <https://doi.org/10.22598/odyssey/2020.2>;
2. Selimović, J. & **Mioković, T.** (2019). Implementation of Basel and Solvency Model in Banks and Insurance Companies – Case of Bosnia and Herzegovina, Proceedings of FEB Zagreb 10th International Odyssey Conference on Economics and Business, Faculty of Economics and Business University of Zagreb, ISSN 2671-132X, DOI: <https://doi.org/10.22598/odyssey/2019.1>;
3. Selimović, J. & **Mioković, T.** (2018). Effects and perspective of the new EU regulatory framework Solvency II, Zbornikradova XVI međunarodnisimpozijum "Novi izazovi na tržištu osiguranja", Udruženje aktuara Srbije i Ekonomski fakultet Univerziteta u Beogradu;
4. Čičić, M., Peštek, A., Arslanagić-Kalajdžić, M. & **Mioković, T.** (2014). Promotion of the sustainable tourism destination through innovative small business networks approach. 4th International Conference Entrepreneurship and Innovations asPrecondition for Economic Development. June 17, 2014, Podgorica, Montenegro. The book of abstracts, 14, ISBN 978-86-80133-70-6;
5. Trivun, V., **Mioković, T.**, Silajdžić, V., Mahmutćehajić, F. & Mrgud, M. (2014). Efficient Management of Public-Private Partnerships: A Key Element for Success..Second International OFEL Conference on Governance Management and Entrepreneurship. April 12, 2014, Dubrovnik, Croatia. Abstracts of the ProceedingsISBN: 978-953-57413-3-6;
6. Šijaković, I., Osmanković, J., Kenjić, V. & **Mioković, T.** Background Report on Social Sciences and Humanities – Bosnia and Herzegovina WBC – Inco.net. Coordination of Research Policies with the Western Balkan Countries. 2011. (Dostupno na: <http://www.wbcinco.net/object/document/124477.html> and http://wbcinco.net/object/document/7484/attach/102BiH_SSH_Report_final-web.pdf).

1. 3. Nastavno – pedagoški rad

Na osnovu dostavljene prijave kao i saradnje sa kandidatkinjom od početka njenog rada na Katedri za finansije Ekonomskog fakulteta Univerziteta u Sarajevu, Komisija je utvrdila da dr Tea Mioković Polić posjeduje sve profesionalne predispozicije za izvođenje nastavnih aktivnosti kao i adekvatno nastavno-andragoško iskustvo.

Radeći najprije kao demonstrator, a potom kao asistent od 2015.godine, te kao viši asistent od 2018.godine kandidatkinja je izvodila vježbe na predmetima: Kvantitativni modeli u finansijama, Ekonomika osiguranja, Vrednovanje preduzeća, Bankarstvo i Bankarski menadžment. Kandidatkinja je također bila angažovana kao saradnik na predmetima Quantitative Models in Finance, Quantitative Analysis in Business, Insurance Economics, Enterprise Valuation, Banking i Banking Management, a koji se izvode na engleskom jeziku u sklopu međunarodnog EFMD-EPAS akreditiranog studija Financial Management na Ekonomskom fakultetu Univerziteta u Sarajevu

Tea Mioković Polić ostvarila je i međunarodno akademsko iskustvo na St. Albans School of Public Service, St. Albans School, Washington D.C., Washington, Sjedinjene Američke Države, 2006. godine, kao i međunarodno predavačko iskustvo kao Erasmus Exchange Teacher, na ISM University of Management and Economics u Litvaniji, 2017.godine, te na Wroclaw University of Economics, u Poljskoj 2019.godine.

2. Dr. Emina Žunić Dželilhodžić

2.1. Biografski podaci

Kandidatkinja Emina Žunić Dželilhodžić rođena je 31.12.1988.godine. Srednju ekonomsku školu u Sarajevu 2007.godine i stekla kvalifikaciju Ekonomski tehničar. Iste godine upisala je Ekonomski fakultet u Sarajevu, te 2010.godine stekla zvanje bakalaureata menadžmenta, ostvarivši tokom studija prosječnu ocjenu 9,24. Iste godine, upisala je II ciklus studija na Ekonomskom fakultetu u Sarajevu, te je 2012.godine magistrirala. Tokom II ciklusa studija ostvarila je prosječnu ocjenu 9,69. Kandidatkinja je sve tri studijske godine na I ciklusu studija ostvarila priznanje studenta sa "Dekanove liste" najboljih studenata Ekonomskog fakulteta u Sarajevu.

Kandidatkinja je 2017.godine završila doktorski studij na Ekonomskom fakultetu Univerziteta u Sarajevu, položivši sve ispite predviđene programom, te odbranom doktorske disertacije pod naslovom „Uticaj nekvalitetnih kredita na stabilnost finansijskog sektora u Bosni i Hercegovini“. Tako je kandidatkinja promovisana na naučni stepen doktora ekonomskih nauka.

Pored toga, Emina Žunić Dželilhodžić 2018.godine je stekla zvanje bakalaureata informacijskih tehnologija na Fakultetu informacijskih tehnologija Univerziteta u Mostaru.

Emina Žunić Dželilhodžić je profesionalnu karijeru započela 2013.godine u kompaniji BH Telecom d.d. Sarajevo, na radnom mjest stručnog saradnika za produkciju i koprodukciju, gdje ostaje do 2014.godine. Od 2014.godine do danas, kandidatkinja je zaposlena u Centralnoj banci Bosne i Hercegovine, gdje obavlja poslove i zadatke na različitim radnim mjestima, i to:

viši stručni saradnik za portfolio analizu, sekretar investicionog komiteta, rukovodilac službe za monetarne i finansijske analize, te samostalni stručni saradnik za monetarnu politiku.

Od dodatnih profesionalnih znanja i vještina, kandidatkinja je navela sljedeće:

- certifikat za samostalnog računovođu, dobiven od strane Savaza računovođa i revizora Federacije BiH;
- certifikat ovlaštenog internog revizora, koji izdaje Udruženje internih revizora;
- Pisanje EU projekata, edukacija organizaciji Euroconsultinga, te
- Programiranje u R, certifikat izdat od strane Oxford Instituta.

Emina Žunić Dželilhodžić govori engleski i njemački jezik, te ima napredno informatičko znanje, jer je pored korištenja MS Office aplikacija, u prijavi navela da koristi programe za statističku obradu podataka (Stata i IBM SPSS Statistics), te da programira u programskim jezicima C++, C# i R.

Kandidatkinja u prijavi nije navela ključna područja interesovanja, ali se iz profesionalnog angažmana i autorskog rada može zaključiti da se radi o području bankarstva i monetarno kreditne analize, politike i upravljanja.

2.2. Naučno-istraživački i stručni radovi

Doktorska disertacija

Doktorska disertacija „Uticaj nekvalitetnih kredita na finansijsku stabilnost bankarskog sektora Bosne i Hercegovine“ dr Emine Žunić Dželilhodžić predstavlja originalno djelo i doprinos znanju i naučnoj spoznaji u oblasti i djelatnosti bankarstva i finansijskih tržišta. Znajući da je upravljanje bankarskim rizicima, a posebno kreditnim rizikom, snažno dobija na značaju u posljednje vrijeme (posebno nakon finansijske krize 2007-08.godine), rad ima naučni i praktični, stručni značaj.

Autorica analizira bankarsko tržište Eurozone i identificira značajne promjene u periodu poslije posljednje finansijske krize: konsolidaciju bankarskog sektora, povećanu efikasnost, te rast tržišne koncentracija. Rezultati prvog modela istraživanja, koji se bavio uticajem efikasnosti upravljanja bankarskim rizicima na nekvalitetne kredite, ukazuju na zaključak da povećanje performansi menadžmenta i troškovne efikasnosti dovodi do smanjenja udjela nekvalitetnih kredita. Pored toga, autorica dokazuje i efekat finansijske poluge, zaključujući da svako povećanje finansijske poluge vodi rastu udjela nekvalitetnih kredita. Drugi model u istom istraživanju imao je za cilj povezati nekvalitetne kredite i finansijsku stabilnost bankarskog sektora. Rezultati su pokazali da veliki udio nekvalitetnih kredita u bankarskom sektoru može ugroziti finansijsku stabilnost cjelokupnog sektora. U dijelu disertacije i istraživanja koji se odnose na lokalno bankarsko tržište, kandidatkinja uočava da najznačajniji rizik za finansijsku stabilnost tržišta u BiH predstavlja visok udio i neadekvatno upravljanje nekvalitetnim kreditima.

Doktorska disertacija dr Emine Žunić Dželilhodžić bez sumnje ima naučni značaj u razjašnjavanju problema upravljanja nekvalitetnim kreditima, kao i u ispitivanju relacije udjela i upravljanja nekvalitetnim kreditima na finansijsku stabilnost bankarskog sektora. Pored toga, a radi jasnih uputa u pogledu adekvatnosti i potrebe unapređenja regulative, rad ima i praktičan značaj, posebno kreatorima regulatornih politika u finansijskom sektoru

Knjige i udžbenici

1. Kemal Kozarić, Sead Kreso, Selena Duraković, **Emina Žunić Dželihodžić**, (2021), Monetarna politika - zemlje Zapadnog Balkana;
2. Kemal Kozarić, **Emina Žunić Dželihodžić**, Nikola Fabris, Mahmuzić Jasmin, (2020), Bankarski menadžment.

Naučni članci u akademskim publikacijama

3. Kemal Kozarić, Edin Hrnjica, **Emina Žunić Dželihodžić**, (2021), Determinants of interest rates in Bosnia and Herzegovina, Zbornik radova/Sarajevo Business and Economics Review Ekonomski fakultet u Sarajevu, broj 39;
4. Amra Selimović, Kemal Kozarić, Amila Žunić, **Emina Žunić Dželihodžić**, (2021), Cryptocurrency-advantages, disadvantages, determinants: Case of Bitcoin, Zbornik radova/Sarajevo Business and Economics Review Ekonomski fakultet u Sarajevu, broj 39;
5. Amila Žunić, Kemal Kozarić, **Emina Žunić Dželihodžić**, (2021), Non-performing loan determinants and impact of Covid-19: Case of Bosnia and Herzegovina, Journal of Central Banking Theory and Practice 10, 3, 5-22;
6. Kemal Kozarić, **Emina Žunić Dželihodžić**, (2020), Uticaj cijena nafte na zemlje izvoznice i uvoznice, Financing, 2;
7. Kemal Kozarić, **Emina Žunić Dželihodžić**, Mirza Kršo, (2020), Foreign direct investments in Western Balkan countries-comparative analysis, Sarajevo Business & Economics Review;
8. Kemal Kozarić, **Emina Žunić Dželihodžić**, (2020), Analysis of interest rates and banking sector profitability, Ekonomske ideje i praksa, 36, 21-30;
9. Kemal Kozarić, **Emina Žunić Dželihodžić**, (2020), Effects of macroeconomic environment on non-performing loans and financial stability: Case of Bosnia and Herzegovina, Journal Of Central Banking Theory And Practice, 9,2, 5-27, Central Bank of Montenegro;
10. Kemal Kozarić, **Emina Žunić Dželihodžić**, (2019), Impact of non-performing loans on the banking sector capital adequacy, with the prediction of their movements, Zbornik radova/Sarajevo Business and Economics Review Ekonomski fakultet u Sarajevu, broj 37;
11. Kozarić Kemal, **Žunić Emina**, (2017), Cointegration analysis of non-performing loans and macroeconomic conditions, Finance In Central And Southeastern Europe Editors, 89-102, Springer, Cham;
12. **Emina Žunić Dželihodžić**, (2016), European banking union: Effects and challenges;
13. Kemal Kozarić, **Emina Žunić**, (2015), Causes and consequences of NPLs in Bosnia and Herzegovina banking sector, Journal of economic and social studies, 5,1, 127-144;
14. Kozarić Kemal, **Žunić Emina**, (2014), E – banking in Bosnia and Herzegovina: Determinants of acceptance, Zbornik radova/Sarajevo Business and Economics Review;
15. Kemal Kozaric, **Emina Žunić**, (2014), Financial soundness indicators in Bosnia and Herzegovina banking sector, UTMS Journal of Economics,5,2, 159-168;
16. Aida Hanić, **Emina Žunić**, Adnan Dželihodžić, (2013), Scoring models of bank credit policy management, Economic Analysis, 46, 1-2, 12-27.

Naučni radovi u zbornicima (konferencije, simpozijumi)

1. **Emina Žunić Dželihodžić**, (2015), The role of macroeconomic determinants of NPLs in environment under crisis: Challenge for Bosnia and Herzegovina and other Central and Eastern Europe countries, 4th International scientific conference "Economy of integration" University of Tuzla Faculty of Economics, 140-152;
2. **Emina Žunić Dželihodžić**, Kemal Kozarić, (2019), Relationship between non-performing loans and financial stability: Evidence from Bosnia and Herzegovina banking sector, BH Ekonomski forum, 11, 2, 91-103;
3. **Emina Žunić**, (2016), Analysis of non-performing loans impact on financial stability: Evidence from Bosnia and Herzegovina banking sector, 8th International conference of the School of Economics and Business, 48, 119.

2.3. Nastavno - pedagoški rad

Kandidatkinja dr Emina Žunić Dželihodžić je stekla određeno nastavno iskustvo obavljajući zadatke demonstratora na predmetu Komercijalno bankarstvo, na Ekonomskom fakultetu u Sarajevu, u zimskom semestru ak. godine 2017/18. Angažman je nastavila u ljetnom semestru iste akademske godine, kao stručnjak iz prakse, u nastavi na predmetu Komercijalno bankarstvo.

3. Zaključak i prijedlog Komisije

Na osnovu uvida u dostavljenu dokumentaciju Komisija konstatuje da obje kandidatkinje koje su se prijavile na Konkurs za izbor docenta na oblast Finansije: dr Tea Mioković Polić i dr Emina Žunić Dželihodžić posjeduju naučni stepen doktora nauka iz oblasti Finansije.

Nadalje, ocjene profesionalnog razvoja i iskustva kandidatkinja navedene su u tekstu ispod:

a) Kandidatkinja dr Tea Miković Polić

- Kandidatkinja ima dugogodišnje uspješno nastavno-andragoško iskustvo na Ekonomskom fakultetu Univerziteta u Sarajevu u oblasti Finansije. Na Ekonomskom fakultetu Univerziteta u Sarajevu angažovana je kao demonstrator još tokom studija, a od 2015. godine zaposlena je kao asistent, potom viši asistent na Katedri za finansije. Tokom svog dosadašnjeg rada, kao asistent i viši asistent na šest predmeta na bosanskom i engleskom jeziku, kandidatkinja dr Tea Mioković Polić pokazala je savjestan, profesionalan i odgovoran odnos prema nastavnicima, istraživačkim i ostalim povjerenim obavezama, te je ostvarila uspješne kontakte i saradnju sa studentima, nastavnicima i saradnicima.
- Kandidatkinja je nosilac priznanja studenta sa "Dekanove liste", tokom cijelog I ciklusa studija, te nosilac priznanja "Zlatna značka" Univerziteta u Sarajevu, kao i priznanja "Najbolji student Federacije BiH", na I i II ciklusu studija;
- Kao autor i koautor, dr Tea Mioković Polić objavila je dva naučna članka u indeksiranim časopisima i šest naučnih radova iz oblasti finansija na domaćim i internacionalnim naučnim konferencijama i simpozijima, od kojih je većina indeksirana u relevantnim bazama.

- Rezultati dr Tee Mioković Polić u dosadašnjem angažmanu i radu na Ekonomskom fakultetu Univerziteta u Sarajevu ukazuju na iznimne predavačke i istraživačke potencijale.
- Pored toga, kandidatkinja je permanentno uključena u organizacijske i upravljačke poslove na Ekonomskom fakultetu, i to kao interni revizor, koordinator i autor na projektima, član akreditacijskog tima za međunarodne akreditacije i sl.
- Kandidatkinja dr Tea Mioković Polić ispunjava sve uslove predviđene Zakonom o visokom obrazovanju Kantona Sarajevo, Statutom Univerziteta u Sarajevu i Pravilima Ekonomskog fakulteta Univerziteta u Sarajevu za izbor u nastavničko zvanje docent na oblast Finansije.

b) Kandidatkinja dr Emina Žunić Dželilhodžić

- Kandidatkinja je nosilac priznanja studenta sa “Dekanove liste”, tokom cijelog I ciklusa studija.
- Kandidatkinja dr Emina Žunić Dželilhodžić ima skromno pedagoško iskustvo u radu na visokoškolskoj ustanovi, odnosno u radu sa studentima, obzirom da je bila angažovana kao demonstrator i stručnjak iz prakse na Ekonomskom fakultetu, na jednom predmetu, u jednoj akademskoj godini.
- Kao autorica i koautorica kandidatkinja dr Emina Žunić Dželilhodžić ostvarila je zapažen rezultat kao koautorica dvije knjige, te koautorica ili autorica šesnaest naučnih i stručnih radova u časopisima, te tri rada na konferencijama. Međutim, primjetno je da je većina radova koncentrisana u relativno usku oblast solventnosti banaka, sa fokusom na upravljanje problematičnim (non-performing) kreditima.

Na osnovu uvida u dostavljenu dokumentaciju kandidata dr Tee Mioković Polić i prezentiranih podataka, Komisija konstatuje sljedeće:

- Kandidatkinja dr Tea Mioković Polić ima naučni stepen doktora nauka iz oblasti Finansija. Također, kandidatkinja se tokom cijelog svog dodiplomskog, postdiplomskog i doktorskog studija usavršavala iz naučne oblasti Finansije.
- Kandidatkinja je nosilac najviših priznanja za postignuća u toku I i II ciklusa studija.
- Kandidatkinja dr Tea Mioković Polić ima dugogodišnje uspješno nastavno-andragoško iskustvo na Ekonomskom fakultetu Univerziteta u Sarajevu u oblasti Finansije, na Katedri za finansije. Tokom asistentkog rada na brojnim predmetima i sa velikim fondom sati, kandidatkinja dr Tea Mioković Polić pokazala je savjestan, profesionalan i odgovoran odnos prema nastavnim, istraživačkim i ostalim povjerenim obavezama, te ostvarila uspješne i zapažene kontakte i saradnju sa studentima, nastavnicima i saradnicima.
- Kao autor i koautor, dr Tea Mioković Polić objavila je dva naučna članka u časopisima i šest naučnih radova iz oblasti finansija na konferencijama. Radovi su fundirani na istraživanjima u širokoj oblasti finansija, od zdravstvenog sistema, preko sektora turizma, pa sve do bankarstva i upravljanja rizikom.
- Rezultati dr Tee Mioković Polić u dosadašnjem radu na Ekonomskom fakultetu Univerziteta u Sarajevu ukazuju na njene izuzetne predavačke i istraživačke potencijale.
- Kandidat dr Tea Mioković Polić ispunjava sve uslove predviđene Zakonom o visokom obrazovanju Kantona Sarajevo, Statutom Univerziteta u Sarajevu i Pravilima

Ekonomskog fakulteta Univerziteta u Sarajevu za izbor u nastavničko zvanje docent na oblast Finansije.

Uvidom u podatke o oblasti ekonomije u kojoj su kandidatkinje radile i odbranile doktorske disertacije, njihovom dosadašnjem naučno-istraživačkom radu i angažmanu, te objavljenim radovima, kao i prethodnom iskustvu u pedagoškom radu Komisija je ocijenila da kandidatkinja dr Tea Mioković Polić posjeduje značajne prednosti u odnosu na kandidatkinju dr Eminu Žunić Dželilhodžić (važna priznanja ostvarena tokom studija, dugogodišnji pedagoški rad na više predmeta u oblasti finansije, diversitet objavljenih naučnih radova).

Na osnovu prethodno iznesenog, Komisija predlaže Vijeću Ekonomskog fakulteta u Sarajevu da

DR TEU MIOKOVIĆ POLIĆ


izabere u zvanje DOCENT na oblast „FINANSIJE“, puno radno vrijeme.

Sarajevo, 14.11.2022.godine.

Komisija:


Prof. dr Džafer Alibegović, predsjednik


Prof. dr Jasmína Selimović, član


Prof. dr Kemal Kozarić, član